



THE DAYBREAK

"Wankantanhan Anpao kin hiyouhipi."—Luke 1. 78.

Vol. XXVII-No. 4

FOREST CITY, SO. DAK., FEBRUARY, 1912

Wokajuju 50 Cents

BROTHERHOOD OF ST. ANDREW.

Chapter Oitancanpi kin.

Chapel of Holy Name, Choteau Creek, Chapter 1886, Nov. 30, 1911 omni-ciye econpi qa lena wi-eayustanpi:

Itancan, Louis Claymore
Iyokihe, Henry Stinger
Wowapi kage, Samuel Baker
Iyokihe, Henry Chiun
Mazaska awanyaka, Joseph Goodteacher

St. Andrew Tawomnaye awanyake, Battiste Hope

Wamnaye, Ulysses Reeds
Tiyopa awanyaka, Daniel Bubuna.

Church of the Holy Fellowship, Chapter 1301 oitancanpi:

President, Simon Spider
Vice Pres. Henry Kealer
Sec'y, Jasper Packard
Treasurer, Robert Obashaw
Wayazan Awan., White Dog and Daniel Brunot.

Cheyenne Agency, S. D. St. Stephens Chapter No. 471:

Pres. Andrew W. Face
Vice Pres. George Half Cut
Sec'y, Oliver Black Eagle
Treas. Mark Garter

"Widows, Hy. Kingman
N. C. F. Collector, H. F. C. Woods

Sick Coll. J. S. Horse and Laban R. Eagle

Coll. for Widows, Hy. T. Necklace

Door, Adam High Bear and Paul Kills two.

Santee Agency Chapter,
Pres. Frank H. Young
Okibe, Ellis Campbell
Mazaska awanyake, B. J. Young
Wowapi kaga, Daniel C. Khune

Holy Faith Chapter No. 2082, Santee:

Itancan, Smith Whipple
Okibe, Harrison Goodteacher
Mazaska Awan., Henry Westman
Wowapi kaga, Jesse Ben.

Chapter Blessed Redeemer No. 2113:

Itancan, James Chapman
Okibe, John Green
Mazaska Awan., Theodore Rouillard
Wowapi kaga, Cyril Rouillard

Santee ekta Chapter tona unpi kin wi topa can witaya mni-ci-yapi kin on

Itancan, Henry James
Mazaska Awan., Henry Johnson
Wowapi kaga, Gabriel Rouillard

Ito misunkapi na ciyepi:

Taku wanji Anpao ohiuni yaotanin geyas ake epin kta wacin. Provincial Chapter kin mni-ciye kte cin ehake wi zaptan kin heon ciyepi na misunkapi womnaye yamni kin hena on bliheciyapi ye. Lakota Wicasa Wakan tawomnaye kin, na Iyaza omami on womnaye kin, na Wetu omni-ciye kin on kasapi wanji (10c) on wawokiyapi kin hena lena on wanna unkigluwiyeyapi waste.

Wowacinye okieize waste kin he el econ yo, owihanke wanin wiconi kin heicunyo. Na woyuha atakuni sni aya ece kin wacinyanpi kte sni, tka Wakantanka ni un taku iyounkipipi kta e iyakiyaya unqupi kin hec.

Jesus heya: "Waawanglake waste kin he miye, talicasunka mitawa kin mihon kin nahonpi, na hena slolwicawakiya na mihakab unpi."

William C. Jones
Provincial Chap., Wowapi kaga

Rosebud, S.D., Jan. 26, 1912

Micun na mitanka tecinbilapi:

Yewicasipi on Wicasa Wakan kin he maka yuganpi qon el Wasicun na Lakota ko on wowaš econ ye. Tka-wiši tona ynha kta e konzapi qon hekta omaka kin South Dakota el winyan unpi kin iyena muayanpi sni ye. Tokas nrikiye Niobrara Deanery el unqonpi kin, le omaka kin kitanna sanpa tanyan wawounkiyapi kta unkokihipi ecanmi ye.

Heccel wiši kin heon tekin Winyan omni-ciye oadetka iyohi Easter itokab \$1.50, na okilipi kinhan isanpa, kicunpi nin ecanmi ye.

Nahan ito wicasa kin le, Rev. John Walker, wowaši unkitawapi kta aktonjapi sni pe, kinhan wicohan econ kta ikicopi kin wasagya na ksabyahan econ kta ye.

Cantewasteya napceciyusape.
Nitankapi wacinyepica
Sarah B. Clark
for the Committee

Crow Creek Agency, So. Dakota
January 19th 1912

Anpao kin:

St. Andrew Sunkakiciyapi, Crow Creek Chapter unpi kin hekta Nov. 30th 1911 he ehan decced wocon yuhapi. He anpetu kin St. Andrew taanpetu qa nakun Wopida eyapi anpetu. Hinhanua wikcemna ape cin hehan tokaheya wopida eyapi wocekiye wocon kin okna wacekiyapi, qa abankeya Wokiksuye aojanjan kdepī wan Albert Ocobo Jr. kin he on St. Andrew Sunkakiciyapi ekicikdepī qon he yuzamni. Ojanjan kdepī kin de eced ekdepī qonhan Bishop Hare aojanjan kdepī akahpe tawa wan on akahpa han, De on wocekiye econpi qa Rev. H. Burt he on wokdake qa nakun Thomas W. Tuttle he on wokdaka, hehand odowan 66 he abiyayapi qa owihanke ekta Ateyapi, Cinhintku qa Woniya Wakan hena abiyayapi kin icunhan Grace Ocobo wincin-cana kin de Albert Ocobo tankšitku he halonta kin ed yuze qa yutitan hecced aojanjan kdepī akahpe kin sannina inajin qa dowan ayustanpi hehand owasin wanyakapi, nina waste. Mazaska opawinge wanji. Hehand ten minutes ozikiyapi qa hehand Corporate Communion wocon kin he econpi, qa de ayustanpi kin hehand Sunkakiciyapi kin oyate kin om wotapi, nina wicota qa oiyokipi qa nakun hed wicasa wanjigji wokdakapi, qa Woniya Wakan unkicipi un qa wicacante owasin panpanua qa icunhan wamayanpi qa mazaska wikcemna yamni sanpa zaptan unqonpi qa heon oyate kin wopida ewicaunke-yapi qa tokin sanpa wicohan waste kin dena awacinpi nin ecanin.

Nitakuyepi wanji miye

Thomas W. Tuttle.

Crow Creek ekta Winyan Omni-ciye oadetka yamni en oitancanpi kin.

Ascension Church—

Lulu Long Feather, Pres.
Mrs. Poor Chicken, V. Pres.
Mary Lariat, Treas.

Ella Howe, Sec'y
Emily Four Bears, Store keeper
Sophia Walker qa Josie St John, Collectors.
Mrs. Hawk, Wayuksa.

St. John Baptist—

Susan McBride, Pres.
Mrs. Williams, V. Pres.
Mrs. Carpenter, Treas.
Mrs. White, Store keeper
Amelia Grey Bear, Lillie Hears Wind, Collectors
Maud Red Hail, Annie Black Eagle, Wayuksa
Sophie Hears Wind, Kate Tungangi win, Wakaptapi.

Christ Church—

Mrs. H. E. Burt, Pres.
Mrs. Bad Moccasin, V. Pres.
Anna Honse, Sec'y
Julia White Cloud, Treas.
Mabel Lodge, Store keeper
Helen Lodge, Josephine Parker, Collectors.

Standing Rock.

St. Elizabeth's etanhan.

Anpao kin:

Mitakola hekta October wi qonhan lena Okolakieye wakan okiyapi kta ca Winyan omni-ciye etanhan wicakalnigape lo. Mrs. Plo. King Bear, Itancan; Sarah Red Hawk, Itancan okibe; Annie Tiger, Wowapi kaga; Alma Cadott, Mazaska awanyaka; G. Looking Horse na Mrs. Red Eagle, Wayazan awanyakapi.

William Walking Shield.

St. Marks Chapel etanhan.
Anpao:

Ito-lehanl wayaotanin eiši kta wacin. Dec. 18, 1911 he ehan Winyan omni-ciye apikiyapi ra lena itancan wicakalnigapi: Itancan kin, Lizzie Good Kill; Okile, Maggie White Elk; Mazaska awanyake, Lucy Kills Plenty; Wowapi kaga, James K. Plenty; Wamnaye cin, Emma Doctor. Ho lena wi ake nom behanyan wowaši econpi kta wicayustanpi.

James K. Plenty.

THE DAYBREAK.

REV. E. ASHLEY, LL. D., Editor

REV. W. HOLMES, Assoc. Editor

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription price is 50 cents per annum and may be paid in Money Order or two cent postage stamps.

Single subscriptions for six months, 25 cents.

All subscriptions and matter for publication should be addressed to

REV. E. ASHLEY, LL. D.
Cheyenne Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain official notices and accounts of official acts and visitations of the Bishop. It is hoped that our people will take it and circulate it.

PRINTED at the office of the "Forest City Press."

ENTERED at the Postoffice at Forest City, So. Dak., as second class matter.

Wotaniin-wašte Ayapi On Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiye nita-wa glugal. canicipawega akan otkeyahan wann tka qon. maka akan wicaša unpi kin owasin Niye eka etonwanpi qa niwica-yapi nauwe. AMEN.

WAKANTANKA Iyotan wašake cin, Woksapi ed Itancan kin. Woksapi Nitawa kin ed Itanipi kin nakun sanpa yewicayaši kta e onšiciya iecumiciyapi: hecel Waawanglake, wicaka na wacinyepica heca iyenakecapi kin on Okolakiciye-wakan nitawa kin iyuskin kta, na Nitokiconze wašte oicago tawa kin yutankapi kta; Jesus Christ Itancanunyanpi kin eciyatanhan. AMEN.

O WAKANTANKA, tawe wicawe wanjila on, wicaša oyate hiyece cin oyasin maka kin owancaya etipi kta e wicayakage cin, na tona itehanyan naiš kiyela unpi kin, wootiye owicakiyakin kta e Nicinca wašte uyaši qon; wicaša oyasin onilepina iyenianpi nauwe. Oyate kin optaye nitawa kin opewicaya ye, na Ikeewicaša kin wokiconze nitawa eka awicagli ye. Tona wicayeco kin ecela wicaluecetn, na nitokiconze kin kohanna uyakiyin kta iecumiciyapi; Jesus Christ Itancanunyanpi kin hee eciyatanhan. AMEN.

O ITANCAN, tona nunipi kin hena awicayakite ca niwicayayin kta e yali kin, na malpiya eka na maka akan wowašake-ataya nicipi kin. tona econwicayaši kin eciyatanhan, wicaša otioyohi Wotaniin Wašte kin owicakiyakapi kta e iyayapi kin, on Okolakiciye wakan Nitawa kin wocekiye eye cin nayahon kta e iecumiciyapi. Taku wokokipe elipi kin owasin etanhan owicayaku ye; maka puze cin wokokipe kin etanhan, muni wokokipe kin etanhan; makosica on wicete cin etanhan; šicaya wicakuwa toohitika kin etanhan; woetungla na inahupi etanhan; wowacinibošake na owolutaton kin etanhan; na oiyokpaza itancan iciconza-pi kin owasin etanhan owicayaku ye. Na wojupi na minakastaupi kin icunhan waicahye cin. Niye, O ITANCAN, owicakiciya ye, Ikeewicaša wicota hein omawicaya ye. Christian tamakocopi kin eka tona wowanikiye hinko tanka aktapi šui kin hena wicayuhomni ye, hecel, O Maka Wanikiya waonšila kin. Nicaje vatanpi kta na Nitokiconze u kta: Niye, Ateyapi kin na Woniya Wakan kin ob woyonihon na wowitan luh, nauwe, maka owihanke waniul. AMEN.

Wotapi šni Itokam Wocekiye wan.

O ITANCAN, wopila umicupi. Woteklapi kin wolwicaya ye, na wicaša oyasin, maka sitonniyan, Wiconi Aguyapi ni un kin Malpiya eciyatanhan hi kin he olepi na iyeyapi kta e iecumiciyapi. AMEN.

Grace Before Meals.

THANKS be to Thee, O Lord. Feed the hungry, and grant that all men, everywhere, may seek and find the Living Bread which cometh down from Heaven. AMEN.

HE-TOKEN ON WOCEKIYE OWA YANKA E UNQONPI HE.

Wocekiye kin hena owa unknakapi qa unqonpi kin he on Okodakiciye Wakan unkitawapi kin he i en kdepí ecee. Wocekiye kin hena itokam owa yanke qa unqonpi kin he hecetu šni, tka ee wicaša wakanpi kin hena tohan iyehantu kinhan heban wocekiye kin hena kaš ieu eyapi kte cin hee sanpa wašte keya unkokiyakapi ecee.

"Wowapi on wacekiyapi kin" de on ohni iapi ota on nahitakapi ecee, hecen wicoie kin dena wowapi en owa yanke cin heon tuwana cante eciyatanhan wacekiye kta okihi šni kecinpi ecee. Taku kin de oyate tona he i en hiyeyapi kin hena ito ayuštampi, qa iš eya "Wowapi on dowanpi kin" he awacinpi šni ecee; hecen unmana on taku eyepica kecinpi eša nakun napin on taku eyepica yuke.

Wocekiye kin hena owa yanke qa unqonpi, qa woyatan kin hena owa yanke qa unqonpi kin hena on awicakehan i en hiyeyepicašni; hecen taku wanjigji on etanhan dena decen unqonpi kin hena wanna unkonspepi kta cin iye-hantu, qa ee oyate wacekiyapi, qa dowanpi kte cin heu icunhan yuinahniyan kaš ieu eyapi, qa unpi kta iyeececa šni kin he abdesunkiçiyapi kte.

1. *Juda Okodakiciye wakan kin he wocekiye, qa woyatan kin hena owa yanka e unpi.*

Okodakiciye kin he wocekiye oecan kin he tuwe hena owa ewicakiciknake qa unpi he eya wawinungapi kta chantanhanš woayupte kin he Wakantanka hee, heon etanhan hena anpetu kin icunhan wocekiye owa knakapi qa unpi kin hena hecetu šni tka heconpi ee, awicakehan ecinpicašni. Wowapi wakan nitawapi kin ikikeupi qa oecan kin dena oyankte taktecten eajeyatapi kin hena abdeza po. Num. (Wicayawapi) 6:24-27; Deut. (Woope Ita.) 5:12-15; 21:5-8; 26:5-11; 2 Chron. (2 Anpetu Oya.) 29:30.

Jewish (oyate) on wowapi kagapi kin eciyatanhan unkonspepi, qa Tipi wakan okna Wakantanka eekiyapi kin he onšpa wocekiye qa woyatan kin on eekiyapi, qa Jews kin wowapi e owapi qa he on wocan toktokeca kin unpi ecee keya unkokiyakapi; heon de he ehanhanhan najin oecan e he unkiš eya iyecen econqonpi.

2. *Wocekiye oecan owa yanke cin on wacekiyapi kin he nakun tuku itokca wan on hecetu kwan-kiyapi kin he Wanikiya unkitawapi kin maka akan un qonhan oecan kin dena quccetu kin hee.* Tipiwakan qa omicciye tipi en owacekiye oecan kin hena wotohan eonpi ecee kin hena ohni cu owicapa e sdonunyanpi. Heon etanhan wocekiye oecan owa

yanke cin hena unpi kin iš eya owicapeya škan e hecen wicaundapi. Hena oecan kin hecetušni keya e tuktena owa yanke šni, tka ees Waonspekiya wicayuhe cin wocekiye oecan owa yanke tka wan wicaqu e he wowicake. Hecen St. Luke 11:1-4; qa St. Matt. 6:9-13 hena wanyaka po. Hehan hanhepi wan en wiyopeyapi qon heehan waonspekiya wicayuhe cin ob Psalm etanhan Odowan ahiyayapi, St. Mark 14:26 hen wanyaka po. Jews oecan tawapi kin eciyatanhan Psalms 115, 116, 117, 118, hena woyatan odowan heca yubapi e he sdonunyanpi.

3. *Otokaheya Jesus wicada unpi kin hena wocekiye qa woyatan kin hena owa yanka e unpi.*

Dena Wowapi wakan teca kin etanhan qa Okodakiciye wakan woyakapi tawa kin etanhan unqonspepi. St. Peter qa St. John hena Jewish omicciye kin etanhan awicayuštampi unkan waonspewicakiyapi unma kin eka wicakdipi qonhan taku token ewicakiyapi qon owasin okdakapi. unkan hena *Wilaya Wakantanka hoyekiyapi.* Acts 4:19-30 hen wanyaka po. He wopida eyapi wocekiye okitanin wan heca e he iyepi kin tanyan sdonyapi hea heca e he on hoyeyapi; wowapi kin en Odowan hanskaska qa wocekiye qeya owa yanke qa hena tona Jesus wicadapi kin hena unpi ecee kin oyakapi. Eph. 5:14; 1 Tim. 3:16, hena wanyaka po. Nakun wocekiye oecan owa yanka e dena en eajeyatapi, 1 Cor. 14:40; 1 Tim. 2, hena wanyaka po. Otokaheyatanhan Okodakiciye Wakan woyakapi tawa kin. eciyatanhan oyanke taktetu keša owancaya wocekiye kin hena owa yanka e unpi e he ašdanyena pazo, qa okša ecan hena tokenkten iciyaza yuha uyapi qa ecan unkiyepi kin eka aiyakdeya hena unqonpi kin hena unkonspepi kta.

4. *Wocekiye kin hena owa yanka e unqonpi kin he nakun taku itokca wan on hecon unqonpi kin hena dec, Hena unqonpi kin he en wookihi tanka ikoyake.*

1. *Wicaša wakan kin he kici owanjina unkeyapi kte cin he okihiunyanpi.* Unkitawacinpi kin eka wocekiye yašnašnapi kin on tawacin knuni unyanpi šni, qaiš wicoie teca wan eye e he anohkeciya unyankapi šni, heon etanhan etanhan cante ataya on wocekiye kin hena en iyayeunkiyapi kte cin he okihiunyanpi.

2. *Wicaša wan ishana wocekiye qeya kage kte cin hena isan wocekiye kin dena nina waštešte.* Wicoicage ota iciyaza hena icunhan Takuwakan ohodapi kin toksapapi kin owa yanke qa heon hena teli-kekdawapi e owa hiyeya, heon wicaša wan ishana heca piya kage kta okihi šni.

3. *Woonspe kin dena unkiyepi opeya sutaya wanke kta e he*

ounkiyapi. Ecin hena awicakehan Wowapi wakan kin etanhan, qa hunli iyotanš Wowapi wakan kin eka wicoie tokeš owa yanke cin iyeceli hiyeya e sdonunyanpi. Heon etanhan woawacin toketutanin šni wan unkiyopeyapi hiyuyapi kta e tuktena takuna hececa woiyowinkiyapi yanke šni.

4. *Unkitawacinpi muni kte cin he etanhan heyab unyuhapi.* Yuinahniyan wocekiye wan kagapi qa token eyapi kte cin itokam sdonyapi šni ecee kin, he isanpa, tona wocekiye owa yanke qa unpi kin hena wocekiye kin dena en iye tawacinpi kin tanyan ekiknakapi kte cin he okihihi keya okdakapi ecee.

5. *Oyate tona unkiyepi kin etanhan itehan unpi kin hena unyuhapi qa unkicanptepi kin ob onwanjipina kte cin he okihiunyanpi.* Wookihi kin de awacinpi wašte. Tipi wakan kin okna wocekiye kin dena wihiyayena oape wan okna unkeyapi kin he icunhan tipi wakan toktokeca kin hena ektakta kektopawinge ota tona tewicunhindiapi kin heca makiyutapi ota unkiyepi etanhan itehan onyanpi eša henaked wicoie token unkeyapi kin iš eya iyecen unpi ecee kin hee.

OKOLAKICIYE WAKAN KIN ON WIWICAWANGAPI WAN.

Woonspe Iwikcemna šakpe.

St. Luke Taanpetu.

W. St. Luke wokiksaye tawa kin tohantu he.

A. October wi wiyawapa iakešaglogan ehanu.

W. St. Luke tuktel tonpi le.

A. Syria (Suria) makobašpe el, Antioch otowwe itancan kin, na owayawapi kin on otanin hee cin eka tonpi.

W. St. Luke taku onspekiyapi he.

A. He chan woonspe tona yuhapi kin cyasin onspekiyapi; na wicite na takuku owa wayupike.

W. Wicohan hea tukte wanji yuha he.

A. Pejihuta wicaša wicohan, na St. Paul "pejihuta wicaša" wašte eya eajeyate.

W. Tuwa ca St. Luke Christ el yuhomni he.

A. Owekiniš St. Paul hecen, lakaš ohni wacinyepica kici un.

W. St. Paul kici tokiya ya he.

A. St. Paul tokaheya Maccdonia eka ye qon kici ya; na ohakab Rome otowwe el St. Paul kaška-gakapi qonhan kici yanka.

W. Tokiya Wotaniin Wašte oyaka he.

A. He Egypt na Greece el wotaniin wašte on wahokonwicakiye.

W. Tuktel un na Wotaniin Wašte kin owa he.

A. Akeya el un na St. Paul okiye çon hel owa.

W. Wowapi Wakan Teca etan nakun tuktel wowapi wanji owa he.

A. Wahošiye wakan oňanyanpi wowapi kin he.

W. Wiconçe tawa kin on taku slolyapi he.

A. "He can wigli can wan el, Greek wicaša wacetuglapi kin otke-yapi na ktepi" he St. Jerome heya.

St. Simon na St. Jude taanpetupi kin.

W. St. Simon na St. Jude wokiksuye tawapi kin tohantu he.

A. He October wiyawapi wiceemna nonpa sanpa šaglogan hehantu.

W. Simon Peter na Simon kin le, nopin Wahošiye hecapi kin, ehake kin he iyekeyapi kta e tokel eciyapi he.

A. Simon Kananite, nakun Simon Zelotes eciyapi, le ehake kin he tawacin kata bliheca kin on eciyapi.

W. Tuktel Wotaniin wašte kin oyaka he.

A. Egypt, Greece na Africa el.

W. Towiconçe kin on taku eyapi he.

A. He Saglaša makocce kin ekta nakun wotaniin wašte kin oyaka, na hel icipawell okatanpi eyapi.

W. St. Jude he tuwa he.

A. Wahošiye akenonpapi kin he wanji, Kleopas cinhintku, na James (Jakob) sunkaku.

W. Nakun tokel cajeyatapi he.

A. Lobbzus nahan Thaddeus eciyapi.

W. Tokeca lecel eciyapi he.

A. Judas Jesus wiyopeye cin iyekeyapi kte cin heon; wicacaje kin lenios wobliheca na woksape he kapi.

W. Wotaniin wašte tuktel oyaka he.

A. Judea, Galilee, Samaria na Armenia el.

W. Tuktel tu he.

A. He Persia el martyr icakija keyapi.

W. Wahošiye kin le taku owa he.

A. Wowapi wanjila unqupi, he Christian oyasin wicakicage, tka iyotan Jnda tona yuhomniipi kin hena wicake.

Wakanpi oyasin Taanpetupi.

W. Wakanpi oyasin wokiksuye tohantu he.

A. November wi wiyawapi tokaheya iyehantu.

W. Wakanpi-oyasin che cin hena tuwepi he.

A. Wicaša wašte na wakan toni wowacinye ogna tãpi, na towa-kanpi kin ataniin kin hena.

W. Tokeca hena wicunkiksuyapi kta he.

A. Oñan wašte tawapi kin on Wakantanka unyuonihanpi kta, na owotanla econpi kin ognayan Christian oyasin iyecel econpi kin awacinpi kte cin on.

W. Lececa kin on Woonspe tukte wanji kiksuyemkiyapi he.

A. "Wakanpi Olakolkiciyapi kin" eyapi kin he.

W. Le eciyatanhan tokel yaka he.

A. Wakanpi oyasin nainš Christian kin ptayela Itancan wanjila, Wowacinye wanjila, Baptisma wanjila yuhapi he wake.

W. Ephesos 2:19 el Christian tokel ewicakiyapi he.

A. "Tona owotanla (wakan) unpi kin ob tipi, na Wakantanka tiyognaka tawa kin he iyepi" ewicakiyapi.

W. Taku on Wakantanka wopila unkekiyapi he.

A. Woonspe wašte tawapi kin on, na hena ob malipiya wokiconza el unqonpi kta iceunkiyapi.

W. Hebrew 11:10 el malipiya kin on tokel eyapi he.

A. "Otonwe wan taku agle ahe cin, ticage ça icaliye cin he Wakantanka kin ee."

W. Tona timahel hipi kte cin on tokel eyapi he.

A. Wicišta kin etanhan Wakantanka ištinnihande oyasin wicakipakinte kta, na hetanhan wiconçe wanice kta, wicocante šica, wicaceya, wicokakije ko wanice kta; tka wowiyuškín, wiciyokipi oyasin owihanke wanice kta.

Brotherhood of St. Andrew, Sisseton Agency etanhan taku awacanmi he epa wacin heon ito wicaša owasin tanyan awauncinpi kta wacin kin he dee: "Taku wiconi en yai kta yacin kinhan Woahope kin hena ahopa wo" Matt. 19, 17. Wakantanka, wacinyanpi kin eciyatanhan woahope qa wokiconze hena ahiknal. e qa taoyate hena oknayan econpi kta cin, qa woope cona kin wiconhan owasin qa wanke, qa tohan woope he awauncinpi šni etanhan wiconhan šica econqonpi, qaiš eyapi wan oknayan unkikdutaninpi ecee; qa woope wan oknayan tanyan econqonpi kinhan unnipi kte eiqon tohinni awauncinpi šni ecee.

Ho, hecen Wakantanka wacinyan wicaša wan woope oknayan taku šica wan eya eca he walitani, qaiš woahope kicakse ecee. Ho hecen uncelhipi kin hen iciconzapí wan econqonpi tka hehe! taku wašte econqonpi kta iyeunkiyapi šni ecee, qa nakun "taku ceamon kta wacin šni qon hee taninyan ceamon, qa taku wašte ceamon kte eiqon hena iyewakiye šni ecee." Ho mitakodapi de on ito taku wanji iwanunyakapi kta wacin kin he Wowapi wakan kin en woyakapi hena wicaša, Wakantanka wacinyan hecapi e owapi qa he token wowacinye suta wan yuha

oyate ekna Wakantanka waštedita-keya unkikdutaninpi kta iyececa qon owasin licin owapi, qa ocanku wan iyececapí se Wowapi wakan kin en taku eye cin he, dena is šica ocanku, qa dena is wašte ocanku ee, he iyecen woyakapi kin wanke. Ho hecen Wakantanka wašteundapi kta qa nakun wicaša kin hena wašte wicundapi kta iyecetu. Ho taku wanji tuwe eya nawahon eca he nina iyomakipi šni, heon ito mitakuyepi he ayabdezapi kta wacin ye do. Wosnakaga, qa Koška itancan qa Wawokiya hena cajepi kin wicayašicapi, qa wicayaštakapi, he hecetu šni wadake ye do, qa tuwe heyali can he Wawokiya, qa Koška itancan, qa Wošna kaga hena wicišarpa omawotana eye se awabdeze ecee. Oyanke owasin eecen Tipi wakan kin en okodakiciye woyaka wan unyuhapi, unkan he ito taku wanji kdušna, qaiš tiwabe tawa kin taku wan accetu šni kinhan miye hepin kta wan de Wicaša wakan kin tanyan šni heon ito wacinyanpi abdušan kte, icin owotanna aye šni epe cinhan, ehanqon Wakantanka wacinwaye šni, wicaša e wacinwaye; qaiš ito Wicaša wakan tokeca wan de oyanke kin hi kinhan, Ho nakahaš owotanna waun kta he awacinpi ecee. Nakun wicaša wan taku šicaya econ qa cajeyatapi ca sanpa wayašica ece, qa nakun woškiške ideya ecee. Heon wicaša iwasi-eun kin he St. Paul wicake ca heya, "qa wowiyukean mdube qa taku analibeya un kin owasin wookahinge owasin ko sdonwaye, qa wowacinye owasin mdube, on he kin yutokan iyewaye kta owakibe ešta, wacanwakiye šni ehan-tanhan matakú šni." 1 Kor. 13:12.

Mitakodapi, miye on ito wimih-dacin kte. Ito Wicaša wakan wan taku bdušna kinhan ito iyecen mis mihdušice kta iyecece šni. Icin wowacinye mitawa wicaša tokan makiyuhapi šni, qaiš wicaša walitani kinhan kici mihdawa kta iyecece šni. Ecin wicaša owasin iye wiconi owihanke šni wan cin qa oliye cinhan iye ohiličiya, heon Wawikiya heye, "Tona Itancan, Itancan emakiyapi kin owasin mahpiya wokiconze kin en yapi kte šni: tuka tuwe Atewaye mahpiya ekta un kin tawacin kin eecen econ kinhan, hee en un kta." Matt. 7:21.

Hecen wanna woope hena taryan ahounpapi kta iyececa qa Ateunyanpi mahpiya ekta yanke cin tawacin kin he iyecen econ-qonpi kta iyehantu.

C. A. Bluedog.

Eagle Nest etanhan.

Anpao kin :

Cinye, lecala Wakpala, S. D. eciyatanhan Convocation wagli na Allen, S. D. eciyatan taku nawahon kta hecinhan he Mr. na Mrs. Ross canpagnigma ciqala ogna omanipi

ca tuktel Mato wakpala ihunni šni ikiye la šunkawakan kin ceški patitan wan bakse na iye nonpinpi na takojakpaknpi wan hokšila ca hena yamni hinlipayapi na oton-wicayapi ca lipayape lo, eyapi nawahon; na hecegla iyopteya wan-wicablakin kta ca iblable. Tuktel Mr. na Mrs. Ross oyunke el yunkapi hel wahi na nopin nape wicablaze na om ptelyela wocekiye epe. He ohakab wacekiye wicaša kin le wacekiye wicaša wicakapi heca tka ye lo ecanmi. Eya hececa qeyas Mr. Ross wanna waniyetu wiceemna yamni sam iyeya Oglala oyate egna Okolaki-ciye wakan kin on woju tanyan owoju tawa ahopa tka ye lo. Qeyas takomni canhlogu tuktel-ktel yanke qeyas eš wanna owoju tawa ataya kinil aguyapi su wašte heca ye lo. Na Okolakiciye waka el taku on womnaye econ yanke cin hena tokel owotanla econqonpi na mazasa ca on wawo-unkiyapi kta ceyas ee he hecetu-lake canke heon womnaye iyuha owotanla yunke lo. Na tuktel Tipi wakan tawa naiš iye tipi kin yuyiya skaya he. Hececa tka tuwe keyas el hipi na el iyokipiya outyanpi, na waonšilapi na nakun cinca kin iyuha iyecel ksapapi. Ho Lakota oyate leciya nahalicin maka wiyopeyapi šni ca walipaniya šabyakel unqonpi, hececa qeyas Mr. Ross wicašta iyuha om cante-wašteya ounye, na ecel unkiyepi el opeya towiconi ehpeya iyecel wakipa, tka lehanl ake hekta zaniyan un qon iyecel ounyan heon Mr. Ross ake ho kin iyeun-kiyapi na ihakam unyanre lo, na olotapi un kin heca šni tka tawai-čiya un kin heca ecanmi, na owe-kinis tuwa tokeca kin nakicipapi kta iteka, icin ho kin iyekeyapi kte šni sece lo ecanmi. Ho kola miye iyotan onmašike ška wokicanpte wicoiye epe lo. Icin Puta hokšila kin he wanji miye canke onmašike lo ceike šni waepe lo. Ho Cinye, Ito Priest wicunyahapi hena wanna tehan wicunyahapi ca tewicunhilapi kta iyececa.

Richard Lips,
Gethsemane Chapel.

Grosse, S. D. etanhan.

Ito koda Anpao kin taku wanji yaotanin ciši wacin. Decana Kangi okute ed koška wanji wašte qa Okodakiciye oknayan wacinye pica heca wanji unkitapi qa on oyate cantewicašica. Koška kin he tokata oyanke ded Convocation econ kte cin el Committee kin wanji tka he Isaac High Bear hee. Koška kin de B. C. U. opa qa he okna wacinunyanpi tka oyanke kin ded B. C. U. unqonpi kin ciye-yapi hee cin iyecel wacinunyanpi tka ye do. Mitakodapi koška kin de taku on wacinyepica kin dee, Wowapi wakan kin ed deced eyapi "Iyoyanpa nitawapi kin wicaša itokab kduwiyakpa po,

heced wicohan waste duhapi kin wanyakapi kta qa Ateyapi mahpiya ekta yanke cin yuonihanpi kta." St. Matt. 5:16. Wicohan kin de on Isaac yuha mani. Tipi wakan okna womnaye, qa B. C. U. opa kin ed, qa Okodakiciye okna taku womnaye econpi hantans mazaska tawa kin tehida shi. Heeced tamazaska kin on qa Okodakiciye wakan ed opa kin okna wicohan waste econ on, qa okna najin qa eced iye Wakantanka tawa kico kin on iye cante waste tawicu qa cinca maka akan wokakije ed awicayustan kta iyokipi; heced maka wicohan kin candwasteya ayustan, qa maka akan wicatan can kin ihpeye cin he iye B. C. Sunkawicaye cin kduonihanpi. Ho hecetu we do. Mitakuyepi Dec. 12 ed ta. Koska kin de heced tiwahe tawa kin he wocekiye on wicayeksuyapi waste. Nitakuyepi wan onshike cigon he miye.

Louis Loudner.

Dear Anpao kin:

Lehaul iyapi conala unyeci-laotanin uncimpi lo. St. John Tipi wakan etanhan wicohan wanji leca waste unkokihipi na wiyuskinyan el koskalaka wowaši econpe lo. Yunkan awicakehan icanteuwašepi. Wacahapi conkaške wau waste hea unyuhapi, na he naunyecihiŋpi uncimpi. Hekta omaka 1910 hehan heon unkuwapi unkan Nov. 20, 1911 he ostan yunajinankiyapi, na el waspanka waste econqonpi, na St. James Tipi wakan okašpe unpi kin, winyan na na wicaša koya ob wiyuskinyan unqonpe lo. Tka hececa eša isanpa woawacin wan lececa ye lo. Wakantanka ektakiya wowacinye unkitawapi on taku uncimpi qon he okihiunyanpi unkecinpi. Mitakuyepi tiyošpaye lila unciscilapi tka Wakantanka unkiyopeya nuwelakaš le wicohan kin unkokihipi. Ho heon onaunyecihiŋpi uncimpi, na Wakantanka cola tuwa taku kuwa qeyaš okihi shi, tka Wakantanka caje on taku kuwapi kin he wi maka tanka na waste heca icyunyanpi mitakuyepi. Ho hecetu we lo. Tona Anpao iyacupi oyasin cante wasteya napeciyuzape lo.

Joseph Six Toes.

Pine Ridge, Corn Creek.

Dear Day Break:

Mitakola lehaul wayaotanin ciši kta wacin. Hope Station oagna Christian Unity Society omniciye econpi Nov. 10, 1911. Le ostan, na winyan omniciye oitan-canpi pikiyapi na lena ceppi:

President, Mrs. Emma Vlandry; Vice Pres., Mrs. Angeliq Stand-ing Bear; Secretary, Mr. Daniel Red Eye; Assist. Secretary, Mrs. Bessie East Horse; Treasurer, Mrs. Jessie Red Bear; Collector, Mrs. Sallie Turning Holy; Door Keeper, Mrs. Mary Black Crow. Na lehaul Oglala oyauke etan Dea-

con wanji icagin kta wamnyanpi on mazaska awanyake kin he Mrs. Lucy Ross hee. Hehanl lecel awaigluštaupi, tona oitancan unpi kin le wanji omniciye icunhan i shi kin 10 cents glajuja kta, na nakun kalinih el opapi kin wanji hi shi can 10 cents glajuja kta awoope icicagapi. Ho lena wi akenom Wakantanka iyoblateya wowaši econpi kta unyustanpi, na he Wakantanka iye econunšipi kin on tokin tanyan zaniyan unyanpi nin ecanmi. Na hehanl lena ecela wowaši econpi kta heca shi, tka tona Christian yaunpi kin hena omniciye nitawapi kin oninni kiksuya pa, hecel tona oitancanpi kin pacanam wicuglo ayapi kin iyececa kin sanpa wasagwicunki-yapi kte.

Ho mitakuyepi tona Anpao iyacupi kin iyuškinyan nape ciyuzape lo. Woyuotanin kin,

Mr. Daniel Red Eye, Helper

Standing Rock,

St. Thomas Station.

Anpao mitakola taku wanji miyeci-laotanin kta iceeciya. Ake le anpetu kin letanhan tokatakiya wiakenonpa ataya Wakantanka waoušila kin heon koska kin lena omniciye kin awanyag wowaši ceppi kta: Pres., Jerome Good Bull; V. Pres., Joshua Low Dog; Sec'y, Samuel Little Elk; Treasurer, William He inkpa; Wayazan awanyakapi kin, Samuel Little Elk wicahca kin na Maurice Heart Bear. Ho eya maka owancaya wicaša ksapa na winyan tona tanyan omniciye kin ite iyekiyapi qon hena maka kin ake onshiciya Wakantanka wowaši ecakiconpi canke, heon St. Thomas Church etanhan wicaša na winyan na wakanhejapi kin ko ataya lenakecepi 62. Ho hena Wakantanka waonšila canke hena maka akan iyowun-kiyapi canke ohinni iyenkiyapi uncimpi, na heon etanhan maka wicohan, na tani wicohan, maka towitan ko ota tka takomni Taku wakan on niunqonpi ca maka akan Wowapi wakan qeya ahiknaka na okna mani unšipi tka, nahalecin wicaša ota hektakiya ohinni hakikta-pi unqonpi.

Hececa tka onshike tohan tiwale wan etanhan wanji Taku wakan unkiyepi can lehan nake wowa-cinye unnicapi, onshika hehan nake wicawala wacekiye wai ye lo eya unceyape lo. Hecetu shi ye lo. St. Matt. 7:21 qel lecel eye lo "Tona itancan, itancan cyapi kir, hena mahpiya wokiconze kin el yapi kte shi, tka tuwa Ate tawa-cin kin ecel econ kinhan" eye lo. Tona itancan, itancan unkeyapi kin hena unceyapi kta, iyokišicapi kta, oiyokpaza woiyokišica, i gla-kinkinzapi hena ecela unkanrepi kta. Icin cante na nasula unyuhapi kin on unkiyepi canke heon, tka tuwa Ate tawacin kin ecel econ kin hee kta keye lo. Tuwa

Tipi wakan hiyeeye cin hena Oko-lakiciye wakan eciyapi canke tona wocekiye onupapi kin hena Oko-lakiciye wakan onupapi. Heon hinhanha na litayetu wopila unke-yapi kta na Itancan Tawocekiye, na wowicala, na woope wikcemna kin hena accela awacin, iyukan, ables wacin, ecela econ wacin un-qonpi kta. Ho heon eyaš tuwa Ate tawacin kin ecel econ kinhan hee kta keye cin he okna Wakan-tanka epazo we lo mitakuyepi. Mitakolapi tona Wakantanka on unqonpi hecin slolunkiyape lo. Ho tona winicašapi, na le wanla-kapi kin wocekiye on unkiksuyapi ye. Tona tiwahe ataya wocekiye oyapapi kin cante on nape ciyuzape lo.

William Walking Shield.

Pine Ridge, Wounded Knee, Christian Unity etanhan.

Anpao kin ito lehanl taku yac-tanin ciši kta wacin ye. Oglala oyauke el wicohan waste inyanke. Wana waniyetu ota inyanke eša tohinni unyeci-laotaninpi shi, icin econunšipi shi kin on hececa. Ho eya, omniciye kin le Christian Unity eciyapi, hecel wicohan wakan wicala han icila unpi qon ekta omniciye kin le el opapi nainš te-womnaye yukeya inyanke. Wi iyohi mniciyapi tipi wakan iyohi hecel tona nahalecin wicalapi shi qon hena wicalapi kta ca Christian waste unpi qon cinpi, hecel wana otala se wicalapi. Icin Wanikiya unkitawapi qon hecel eye lakas econqonpi kta iyececa. Ho hecel eya St. Andrew omniciye icagapi qon lel iyaglaškapi lecel on isakib inyanke. Christian Win-yan omniciye qon apikiyapi lera wi akenom litanipi kta wicayustanpi:

President, Nancy American Horse.

V. Pres., Louise Bird Necklace Secretary, Stella King

V. Sec'y, Victoria High Bear

Treasurer, Mary Chasing Hawk Tona Anpao kin wanlakapi iyuškinyan napeciyuzapi.

Stella King, Sec'y.

Morton (Cansayapi) Minn.

Koda, ito cistiyedan taku yac-tanin ciši kte. Eya tohina taku-dan unkiyepi on daotanin shi, he-on nakaha St. Andrew taanpetu kin en Nov. 30, 1911 en anpetu kin he St. Cornelius Church en Brotherhood of St. Andrew okoda-kiciye yakonpi kin he oitancan pi-wicayapi qa dena wicayustanpi:

George Wells, Itancan; George A. Campbell, Itancan okihe; Sam-son Foster, Wowapi kaga; George L. Campbell, Mazaska awanyaka; David Wells, Wayazanka ekta ye kta; George M. Crooks, wicaša en awican kta; qa Willis Columbus, wamnaye yustanpi.

Anpetu yamni litayetu Sunkaki-ciyapi omniciye yuhapi ecan en wamnaye kta qa wi otoiyohe econ kta he Samuel M. Jones yustanpi. Dena Wakantanka itokam wi ake-

nom litanipi kta wicayustanpi, Le-on tona Sunkakiciyapi en oyapapi hena owas wocekiye on unyeksuyapi kta uncimpi, qa Anpao weun-yakapi eca hen tona Sunkakiciyapi enanakiya oyate ebna icage kta on koska yuha litayanipi hena chinri naunhonpi ece, heon unkiš St. Cornelia Church, Brotherhed St. Andrew yakonpi kin is eya token koska ebna icage kta on litanipi qa ake omniciye wanji en wacn-speiciyapi, qa ake wi wanji en Sunkakiciyapi cecdan Wotapi wakan icupi ece dena hecen owico-han kin yuha škanpi qa taku cwi-cohan dena Wicaša wakan unyuhapi kin token okihi ounkiyapi Rev. H. W. St. Clair hee. Oyate de tanka shi qa owokpamni wani-ce, iye isto tawapi qa tawacin tan-kapi hecedan on litaiŋinipi qa on niŋciyapi decen yakonpi, qa le icunhan nakun Okodakiciye wa-kan en itoheya token okihi de-cen škiŋciyapi. Ho misunkapi unkiš decen wicohan yuha unškan-pi qa he nayahonpi kta iyececa wada on Anpao hoyewakiye qa icewakiya on dena miciaotanin waši. Eya tohinni Anpao en ta-kudan decen epe shi tka ohinni Sunkakiciyapi hen onihdakapi na-honpi ece, heon unkiš onaunya-honpi kta on owahdaka wacin qa de wakage. Ho tona Anpao iyacu-pi qa Sunkakiciyapi en oyapapi owas micante on nape ciyuzapi. Nisunkapi wau miye,

George Wells.

Lower Brule Agency, S. D.

Dear Anpao kin:

Ito lehaul wayaotanin ciši kte lo. Eya lehaul taku wotehi wan awakipa. Ate nonpa tapi lo. To-kahaya kin he Henry Forked Butte ee, Aug. 18, 1911 el te lo. Unma kin C. Bull Head, Nov. 19, 1911 el te lo. Yunkan nuna ebakela kin le wicaša itancan cki-nihan waste kin heca. Nopin Okolakiciye wakan opa hecepe lo. Yunkan iye lehaul maka akan wasnikiya waste kin wiconi owi-hanke wanice kin ogna iyayape lo. Ho hecel eya lila cante mašice cin icunhan woawacin wan tokiyatan-han el mahi. Yunkan Wowapi wakan etanhan wicohc oyakapi kin lee. Johannes wicowoyake tawa kin oegle iaketepa kin: "Innuhan cante mišicapi kinlan. Wakan-tanka wicayalašpi, na miš nakun wicamayalašpi." Ho le wicohc wakan icunhan weksnya en wama-šake selececa. Wicaša cyasin he-uncecepi qeš ecanmi. Hehala epin kta. Anpao iyacupi kin oyasin cante wasteya nape ciyuzape lo.

Charley Forked Butte.

ANPAO - KIN:

REV. E. ASHLEY, LL.D., - Editor
Rev. W. Holmes, - Assoc. "

Anpao wotanin wowapi kin wi iyohi-na, wiyawapi anpetu tokaheya eca wo-wapi tokšu kin ogna yewicakiciyapi ece. Wi akenom (one year) on kašpapi za-ptan kajujupi kta.

Wi šakpe kin kašpapi nonpa sam okise. Icupi shi itokab kdajujupi kta.

Money Order, Cheyenne Agency on opetonpi na hiyamakiyapi kta. Okihi-pi shi kinhan Wowapi askabyapi magupi kta.

Tuwa wowapi kagin kta ca wowapi ska saul el owa kta.

Opetonpi kta e wowapi biyukiyapi qaiš ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY, LL.D.
Cheyenne Agency, S. D.